




19
20
21
22
23
24
25
26
27
28
29
30
31
32
33
34
35
36
37
38
39
40
41
42
43





95309
=3

19220
864
=3







選青小箋卷五






昭文許元愷賓門編釋








右南宋高宗建炎通寶錢大小二等真篆書宋史靖康二年康王卽位於南京改元建炎本紀建炎元年九月壬辰鑄建炎錢食貨志建炎經兵燹鼓鑄皆廢蓋繼是不間廣置鑪監矣又宋自蔡京始以益州交會之法引誘商賈南渡後軍需用上下交困始以其法行於江淮行在謂之楮幣嗣後終南宋之世凡輸納給賞銅楮並行自鈔法行而銅錢貴又泄於海舶故南宋錢不及北宋之多

右高宗紹興錢二品有元寶通寶之分宋史紹興元年八月壬午鑄紹興錢








右紹興折二錢三品真篆書食貨志以李植提點鑄錢
公事植言今泉司折二錢六萬六千緡





右孝宗隆興元寶錢宋史紹興三十三年孝宗即位改
元隆興又史載隆興間左司李椿言錢者出於官也能
使禁出異域及銷毀每鑄當二毋雜泥沙毋縱私鑄又
何患錢之不足耶







右孝宗乾道元寶錢宋史乾道元年鑄六年併鑄錢司歸發運司尋復置八年饒州贛州復各置提點官九年大江之西及湖廣間多毀錢雜以泥沙重鑄號沙尾錢詔嚴禁之





右乾道元寶鐵錢宋史乾道六年詔司農許子中往淮西措置於是子中以舒蘄黃皆產鐵請各置監五










右孝宗淳熙元寶錢大小五品真篆二體書宋史乾道十二年改元淳熙本紀淳熙元年十二月丙辰罷鐵錢改鑄銅錢制如紹興至其幕文各紀鼓鑄之年年紀錢幕自淳熙始一品幕文星月又一品幕一泉字神泉監所鑄也



右淳熙通寶鐵錢食貨志孝宗淳熙十二年詔舒蘄鑄鐵錢



右光宗紹熙元寶錢大小二品食貨志紹熙二年減斬
春同安兩監歲鑄各十萬貫紹熙五年太皇太后詔嘉
王擴即位是為宗故紹熙錢紀年至五而止






右(圖)宗慶元通寶錢大小三等按慶元小平錢折二錢俱元年開鑄當五錢鑄自三年以後故幕文無元二三字宋志失載也



右慶元通寶鐵錢一品通攷孝宗淳熙初詔司農許子中往淮西措置鐵錢命舒州置同安監蘄春監漢陽監



凡各州皆置監



右開宗嘉泰通寶錢大小三等宋史慶元七年改元嘉泰



右嘉泰元寶鐵錢穿左讀幕文同元一字蓋是錢元年同安監所鑄也




右開宗開禧通寶錢大小二品宋史嘉泰六年改元開禧



右開禧通寶大鐵錢幕文漢三蓋三年漢陽監鑄也


右(通)宗嘉定通寶錢大小二品宋史開禧四年改元嘉定



右嘉定通寶折二鐵錢初氏按鐵錢自漢公孫述廢銅錢置鐵官錢沿於六朝迄於唐宋而莫盛於南宋通攷宋太祖開寶三年令雅州置監鑄鐵錢以十當銅錢之一太宗太平興國八年令福建鑄大鐵錢與銅錢並行其時邛州惠民監嘉州豐遠監興州濟眾監專鑄鐵錢仁宗慶(通)中陝西鑄小鐵錢河東鑄大鐵錢後小鐵錢獨行於河東而陝西許用大鐵錢以一折二神宗熙(通)四年陝西轉運使又請鑄折二錢俱從之時諸路置監總二十六監每年鑄銅鐵錢五百九十四萬九千二百三十四貫內銅錢十七監鑄錢五百六萬貫鐵錢九監鑄錢八十八萬九千二百三十四貫南宋孝宗乾道初








詔兩淮京西悉用鐵錢荆門隸湖北以地接襄峴亦用鐵錢淳熙中舒州蘄春黃州江州興國軍臨江軍撫州共七監皆專鑄鐵錢續通攷（圖）宗嘉定中江西提舉袁燮上便民疏其畧云今議者欲急於豐財故以鐵錢與銅錢並行當不足之時條焉有餘豈不可喜而其實不然往時楮幣多故銅錢少而又益以鐵錢不愈少乎往時楮幣多故物價貴而又益以鐵錢不愈貴乎兩淮虛耗已甚運鐵錢於江南將以裕淮也然以江南之楮幣易淮甸之鐵錢厥價三倍奸巧之民爭先取之此盈而彼虛鐵錢日以朘削銅錢禁不得往淮人將安所用哉且鐵錢之易就非若銅錢之難成盜鑄如雲而起楮之

輕也滋甚既不足以裕淮又不若以權楮也（圖）宗因罷同安監鑄錢自是而後鐵錢漸不行矣幕文春七春十春十三蓋蘄春監七年十年十四年鑄也










右理宗大宋元寶錢大小二品本紀寶慶元年七月乙酉詔行大宋錢蓋避年號寶字也

右理宗紹定通寶錢大小二品宋史寶慶四年改元紹定



右理宗端平錢大小三等大者曰通寶重寶穿下讀小者曰元寶之寶廻環讀宋史紹定七年改元端平按端平時交會繁興鑄錢幾廢故小平錢存者頗少





右理宗嘉熙錢大小三等有通寶重寶之別宋史端平



四年改元嘉熙食貨志嘉熙錢元年鑄也




右理宗淳祐元寶錢宋史嘉熙五年改元淳祐淳祐二年三月詔在外諸軍給楮幣權以十八界三分贈給又三年命淮東西總所餉軍券錢並給楮四分則當時用楮仍與銅錢並行




右淳祐元寶折二錢本紀淳祐九年三月以程元鳳爲江淮等路都大提點坑冶鑄錢公事



右淳祐通寶大錢幕文當百二字見無明文足見國用大耗藉當百之名以供一時之支給耳



右理宗皇宋元寶錢大小二品迴環讀本紀寶祐元年八月行皇宋元寶錢避寶祐之寶字也元愷按北宋南宋皆鑄皇宋錢而以通寶元寶為別北宋皇宋錢質堅厚南宋皇宋錢黯且薄而幕文紀年






右理宗開慶通寶錢大小二品宋史寶祐七年改元開慶本紀開慶元年五月乙丑行開慶通寶錢





右理宗景定元寶錢大小二品宋史開慶二年改元景定王圻續通考景定元年九月詔鑄新錢以景定元寶為文



右度宗咸淳元寶錢大小二品宋史景定六年度宗即位改元咸淳咸淳以後臨安失守宋遂無開鑄之事

○臨安府行用


○準伍伯文省

臨安府行用

準五百文省

右南宋錢牌大小二品面文曰臨安府行用背文曰準伍伯文省元人孔行素至正雜記言南宋錢牌長三寸有奇濶一寸曰省者建炎三年四月正官名合中書省門下省尙書省爲一謂之知三省此蓋三省所鑄也盛氏子履泉史云省錢猶今所謂短串引曰知錄言五代漢隱帝時王章爲三司使聚斂刻急舊制錢出入者皆

以八十爲陌章令入者八十出者七十七謂之省此宋初詔民間以七十七爲陌制由於此南宋錢牌曰準伍伯文殆準作五百文之短串耳短串錢各處不同隋食貨志梁大同後以八十爲百者謂之東錢以七十爲百者謂之西錢以九十爲百者謂之長錢宋史言宋初輸官者用八十或八十五爲百諸州私用各隨其俗此牌蓋專行於臨安府也此說甚是





選青小箋卷五終

受業 陳祖堯小萍 校字
潘文英蔭亭


選青小箋卷六

昭文許元愷賓門編釋

右遼太祖天贊通寶錢按遼耶律阿保機於後梁末帝
貞明二年稱神冊元年至龍德二年改元天贊遼史遼
以先代土產多銅始造錢幣



右穆宗應^曆重寶錢遼史穆宗本紀天錄五年九月丁卯卽位改元應^曆




右聖宗開泰元寶錢按聖宗統和二十九年改元開泰




右聖宗大平興寶錢按聖宗開泰元年改元大平食貨志聖宗鑿大安山取劉守光所藏錢散諸五計司兼鑄

大平錢幕文丁字聖宗大平七年歲在丁卯也



右興宗重熙通寶錢遼史興宗本紀重熙二十二年閏七月長春州置錢帛司此品吳上舍于野見贈




右道宗清寧通寶錢遼史言道宗之世錢有四等曰咸雍曰大康曰大安曰壽隆而清寧獨未及然清寧錢舊

譜皆載且今世尚有流傳實遼史之脫漏也按清_寶錢
宋至和二年耶律洪基鑄辛丑冬過支塘訪姚上舍友
筠_{玉林}於品詩讀畫樓友筠持以見贈



右道宗咸雍通寶錢按道宗清_寶十年改元咸雍鑄此
實宋治平之二年也







右道宗大康元寶錢按咸雍十年改元大康鑄此實宋
熙_寧之七年也



右道宗大安元寶錢按大康十年改元大安鑄此實宋
元豐之七年也



右天祚帝乾統元寶錢按壽隆七年延基卽位羣臣上



尊號曰天祚皇帝改元乾統鑄此寶宋崇^圖之元年也



右天祚帝天慶元寶錢按天祚帝乾統十年改元天慶
宋政和二年契丹主在燕山府鑄



右西遼帝壽昌元寶錢按李季興東北諸蕃樞要云契
丹天祐元年號壽昌據天祚帝紀百官冊立大石為帝

號葛兒罕復上尊號曰天祐皇帝改元延慶無壽昌紀
元之說而洪志引北遼通書曰天祐即位壽昌七年則
壽隆之誤耳




右夏毅宗延^寶元寶錢趙諒祚鑄




右神宗光定元寶錢宋史外國傳遵頊始以夏室為大

都督府主嘉定四年七月三日立改元光定在位十三年自號上皇傳位於其子德旺時宋嘉定十六年也



右仁宗天盛元寶錢宋史外國傳紹興二十八年夏始立通濟監鑄錢是時夏趙仁孝天盛十二年沈氏荃歷朝譜畧萬氏斯同紀元彙攷皆以紹興十九年為夏天盛元年今從宋史




右襄宗皇建元寶錢宋史外國傳開禧二年正月夏趙安全廢其主純佑而自立明年改元應天在位六年應天四年改元皇建





右西夏梵字錢洪志載梵字錢文不可辨大抵類屋馱吐番錢初氏渭園引劉青園說涼州人掘地得古錢數

獲其中梵字錢百枚又云伊嘗於涼州大雲寺訪古碑陽面正作此等字碑陰楷書捫讀之則天祐民安五年所立乃知此錢為西夏梵書景巖作泉志即不之識數百年後破此疑實亦一快事




右金海陵王正隆元寶錢金史金初用遼宋舊錢天會末雖劉豫之阜昌錢亦用之正隆二年始議鼓鑄冬十月初禁銅越外界懸罪賞格括民間銅器陝西南京者輸京兆他路悉輸中都三年二月中都置錢監二東曰

寶源西曰寶豐京兆置監二曰利用三監鑄錢文曰正隆通寶今所見者皆元寶與史不合輕重如宋錢而肉好文過之




右世宗大定通寶錢金史大定十年令戶部流通官錢十五年諭宰臣增鑄新錢十八年代州立監鑄錢命震

武軍節度使李天吉知保德軍事高季孫往監之而所鑄斑駁黑澀不可用詔削天吉季孫職更命吏部郎中張大節吏部員外麻珪監鑄其錢文曰大定通寶文字肉好勝正隆之制元愷攷幕文穿上申字酉字其年為丙申丁酉大定六年幕文穿下申字酉字是戊申己酉年大定七年京府節度州增鑄之新錢也





右章宗泰和通寶楷書大錢制作甚工於市肆購得之元愷按食貨志章宗錢僅載篆書文曰重寶一以當十



未載楷書文曰通寶者此品文字肉好與正隆大定錢無異想亦史之失傳也



右章宗泰和重寶篆書大錢金史泰和四年八月欲增鑄錢輸銅於京師而於山東河北大名等路依數支取鑄大錢一直十篆文曰泰和重寶與鈔兼行




右元武宗大元通寶錢西番篆按食貨志大元通寶一文準至大錢十文葉子奇草木子曰元朝止行鈔法而不鑄錢獨至大官裏行至大錢此品吳明經脩來見贈










右武宗至大通寶錢元史元之交鈔寶鈔雖皆以錢為

文而未鑄錢按武宗正大三年初行錢法立監鑄錢文曰至大通寶一準至大銀鈔一釐稗史彙編元世皇嘗以錢幣問劉秉忠對曰錢用於陽楮用於陰華夏陽明之區沙漠幽陰之域今陛下龍興朔漠君臨中夏宜用楮幣俾子孫世守之然武宗仍用錢不久輒罷




右順帝至元通寶錢元愷按順帝元統二年改明年為

至元至元六年又改至正食貨志多闕畧然形模文字與至正錢無二致則謂順帝鑄非妄斷也





右順帝至正通寶錢大小六品幕西番篆書舊譜讀作
 巴納蓋梵語也元愷按元史交鈔寶鈔皆印造錢文無
 鼓鑄之事惟武宗嘗置監鑄錢然仁宗皇慶元年即下
 詔不行專用至元統鈔至順帝至正十年始復建議開
 鑄初氏渭園引翁宜泉說背文_日字是蒙古辰字背文
_日字是蒙古午字午五同音背文_日字是蒙古十字




右至正之寶權鈔大錢幕文權鈔伍錢穿上吉字取吉
 貨之義也按元史至正十年詔云世祖皇帝頒行中統
 交鈔以錢爲文雖未鼓鑄而錢幣兼行之法已具厥後
 印造至元寶鈔以一當中統之五而歷歲滋久鈔法偏

虛物價騰踊奸僞日萌民用匱乏更以中統交鈔一貫
文省權銅錢一千文準至元寶鈔二貫仍鑄至正通寶
錢與歷代銅錢並用以實鈔法至元寶鈔通行如故十
一年鑄至正通寶錢印造交鈔令民間通用行之未久
物價騰貴又值海內大亂京師百姓持鈔十錠求易斗
粟且不可得民間以物貨貿易公私所積之鈔俱不行
視若廢楮國用由是遂乏盛氏子履按元初頒中統鈔
是以鈔權錢也既又頒至元鈔是以鈔權鈔也至正之
寶權鈔五錢勒數於幕蓋所權者卽至正銀鈔也夫楮
幣之始原以權銀錢之實用乃始而以鈔權錢既而以
鈔權鈔終而復以錢權鈔鈔法大壞而又不可驟廢至



於輾轉相權上下相誑紛紛顛倒而民無措其手足矣
今按至大通寶一文準銀鈔一釐以此核計此錢權鈔
貳錢伍分當值至大錢二百五十文權鈔伍錢當值至
大錢五百文而食貨志不之及蓋明初奉勅纂脩元史
限期甚速疎漏之故也此品俞秀才蓮士 大潤 在玉峰
市肆購得癸卯春在指柳書堂借揭一過



右順帝皇元通寶錢見錢述



右偽齊劉豫阜昌重寶錢篆書金史食貨志金用遼宋錢天會末雖劉豫之阜昌亦用之考豫字彥游阜城人建炎四年九月金人立豫為齊帝據都大名府僭元阜昌鑄阜昌錢








右偽吳張士誠天佑通寶大錢按士誠於至正三年僭國號周改元天佑後又改國號吳此錢洪氏誤載唐哀宗鑄按哀宗年號天佑唐亡後唐莊宗仍號天佑然皆不聞有鼓鑄事且幕文紀當五唐錢未有之更觀周郭文字完好皆如元季諸錢其為士誠鑄無疑也佑史作祐得此錢可以正史之誤




右偽宋韓林兒龍鳳通寶大錢按韓林兒真定樂城人
自言宋裔稱小明王建國號為大宋改元龍鳳都於亳
州後遷安豐



右偽天完國徐壽輝天啓通寶大錢按天完徐壽輝攻
破黃州等路遂稱帝僭國號為天完始稱治平後改天
啓又改天定劉若愚酌中志曰司鑰庫積有歷代古泉
熹宗一日於御前得天啓錢大小數枚徧問無知者



右徐壽輝天定通寶錢大小二等





右偽漢陳友諒大義通寶錢大小二等按至正二十年



友諒自采石還江州僭號漢改元大義

受業 席鴻鏞君和 校字 范廣燮文坡

選青小箋卷七


昭文許元愷賓門編釋















右明太祖大中通寶錢大小五等會典太祖初鑄寶源


局於應天及平陳友諒命江西行省置貨局頒大中錢式五等蓋太祖始建國號意在大中既而祈天乃得大明故當時錢文有大中通寶食貨志太祖置寶源局於應天鑄大中通寶錢以四百文爲一貫以四十文爲一兩四文爲一錢十福一品太倉吳茂才雅庭錫滌見贈








右太祖洪武通寶錢大小五等會典洪武四年令戶部及各行省鑄錢二十二年鑄當三當五當十錢幕文京應天濟山東浙浙江桂廣西福福建治山西北平直隸



右惠帝建文通寶錢惠帝在位四年改元建文靖難後凡成祖一切銅錢鐵器玩物有建文字者悉銷毀此錢如碩果之僅存





右成祖永樂通寶錢會典永樂六年鑄永樂錢九年令浙江江西廣東福建四布政司各鑄永樂通寶錢






右仁宗洪熙通寶錢按仁宗在位一年未嘗鼓鑄會典
嘉靖二十年令照新式補鑄洪武以下至正德九號錢
每號一百萬錠每錠五千文



右宣宗宣德通寶錢會典宣宗九年鑄宣德錢嘉靖時
更鑄一百錠




右英宗正統通寶錢會典嘉靖三十二年補鑄




右孝宗^宏治錢二品有通寶之寶之分會典孝宗十六年鑄^宏治錢十八年題准每文重一錢二分銅一斤加好錫二兩




右武宗正德通寶錢會典嘉靖三十二年補鑄是錢幕有龍鳳乃流俗偽造撒帳之品非武宗時正用品也




右憲宗成化通寶錢亦嘉靖時補鑄



右世宗嘉靖通寶錢會典嘉靖六年題准鑄造嘉靖通寶事例七年鑄嘉靖錢又差官於河南閩廣鑄造嘉靖錢三十四年題准雲南鑄錢事例四十四年寶源局鑄嘉靖錢其時有金背火漆鏃邊三種吳氏陶宰云金背者狹緣光背制極工整鏃邊者潤邊也火漆銅質低用藥涅之其黑如鐵




右穆宗隆慶通寶錢會典隆慶錢穆宗四年鑄攷明初沿宋元舊錢鈔互用至宏治後多用銀而鈔法不行惟俸錢獨支鈔如故至是時始以新鑄隆慶錢給官俸云




右神宗萬曆通寶錢幕有天公厘等字會典萬曆四年命戶工二部准萬曆錢式鑄萬曆錢有金背火漆錠邊

三種又命十三布政司南北直隸俱開局鑄錢








右光宗泰昌通寶錢明史天啓元年鑄泰昌錢張氏次仲竹窗解頤雜錄熹宗踐祚見嘉靖萬曆暨先朝所鑄錢不見有泰昌命錢局將天啟泰昌兩號並鑄







右熹宗天啟通寶大小錢幕文有新一錢一分十一兩
府院浙等字日知錄天啟崇禎時廣設錢局括古錢以
充廢銅人皆攢古錢不用而新鑄之錢彌多彌惡寶源
寶泉二局祇為奸蠹之窟故嘗論古來之錢凡一兩大變
隋時盡銷古錢為一大變明天啟以來又一大變也又
按是時兵部尚書王象乾請鑄當十當百當千大錢仿

白金三品之制於是兩京皆鑄大錢









右莊烈帝崇禎通寶錢三十品各有標記元愷按是時定錢式每文重一錢每千值銀一兩




右崇禎折二錢按莊烈帝折二錢南都所鑄每文重八分





右崇禎當五錢二品幕文一曰監五一曰戶五按莊烈帝末年勅鑄當五錢



右崇禎馬錢嘉興王通蚓菴瑣語云崇禎末年錢背有馬形者頗重易使江南卒亡於馬士英或曰錢孔似門下有馬闖賊之象也此亦如角錢四出識者以為妖徵大貨六銖縣官有所不利明社將屋兆已徵於此矣











右福王^宏光通寶錢大小三品三籙紀事本末福王名由崧神宗孫福王常洵子洛陽陷避難南下甲申三月馬士英迎王於江上至南京以內守備府爲行宮四月十五日建國卽位改明年爲^宏光元年十月朔命鑄^宏光通寶錢第二品篆書幕文鳳字馬士英總督鳳陽時

鑄第三品折二錢幕文貳字




右唐王隆武通寶錢三籙紀事本末唐王名聿鍵端王碩燠孫總兵鄭鴻逵等奉至福州乙酉閏六月諸將立之改福州爲天興府以布政司署爲行宮改元隆武鑄隆武通寶錢





右永明王永曆通寶大小錢幕面各有標識按永明王名由榔神宗孫桂王常瀛少子初封衡陽王張獻忠陷


衡州王避於梧州丙戌總督丁魁楚巡撫瞿式耜迎至肇慶十月十四日稱監國改元永曆以肇慶府為行宮鑄永曆通寶錢







右魯王大明通寶錢張氏麗瀛引會典釋為嘉靖鑄者非按魯王名以海甲申冬移封台州乙酉六月三日熊孫馮舉事迎至蠡城建元監國魯鑄錢則用大明通寶四字又按明穆宗時譚綸請鑄大明通寶錢直巡按亦有是議卒不行其為魯王監國鑄無疑





右李白成永昌通寶大小錢茶巖逸考崇禎十七年正月李自成稱王於西安據秦府為宮僭號大順建元永昌鑄永昌通寶錢又按永昌大錢每文當白金一兩



右張獻忠大順通寶錢大小二品攷甲申十一月張獻忠僭偽號於成都稱大西國卽西王位僭元大順鑄大順通寶錢






右孫可望興朝通寶錢大小二品按可望獻忠養子見
明史楊畏知吳貞毓傳



選青小箋卷七終


受業

郭際唐筱迂
張乃淳標瀛

校字







1 | 2 | 3 | 4 | 5 | 6 | 7 | 8 | 9 | 10 | 11 | 12 | 13 | 14 | 15 | 16 | 17 | 18 | 19 | 20 | 21 | 22 | 23 | 24 | 25 | 26 | 27 | 28 | 29 | 30 | 31 | 32 | 33

Centimetres

Kodak Color Control Patches

© Kodak, 2007 TM: Kodak

Blue

Cyan

Green

Yellow

Red

Magenta

White

3/Color

Black

